



BIBLIOTHECA
UNIVERSITATIS
CRACOVENSIS
915424
III

Cracovien:

Concessionis Facultatis decantandi Missam Votivam coram Sepulchro B. JOANNIS CANTII quavis Feriâ quinta per Annum, non obstantibus Festis etiam Ritûs duplicis majoris, occurrentibus.

Offerente Serenissima D. MARIA IOSEPHA SOBIESKA, pro sua in Beatum IOANNEM CANTIVM insigni pietate, fundum, seu fructum annum pro Missa de illo Votiva, post solitam Conventualem in Ecclesia Collegiata S. ANNÆ quavis Feriâ quinta per Annum, in qua Festum etiam Ritûs duplicis majoris inciderit, cantanda; Itaq; pro facultate desuper necessaria & opportuna supplicante. SSmus Dñus Noster BENEDICTVS PAPA XIV. prudenter considerans, hic agi de Opere pio in perpetuum fundando; deque Missa Votiva in honorem Beati quidem, necdum Canonizati, sed unius ex principalioribus Regni Poloniae Patronis à Sede Apostolica jam declarati; eaque una tantum singulis hebdomadis, postq; Missam Conventualem, & in Ecclesia Universitatis Cracoviensis, in qua Beatus IOANNES vivens floruit, & mortuus etiam requiescit, celebranda, ac deniq; Serenissimæ Sobieskæ Domûs, in qua Oratrix ipsa existit, magna in Ecclesiam Catholicam, & illustra esse merita: his omnibus attentis, piæ hujusmodi petitioni benignè annuit. Hac die IX. Septembris. 1742.

Fr. I. A. Card: Guadagni ProPræfatus.

F. Patriarcha Hierosolimitanus, Secretarius.

(L.S.)

MICHAEL de Granow WODZICKI
DECANVS, VICARIVS in Spiritualibus, & OFFICIALIS Generalis Cracoviensis,
ABBAS Commendatarius Vachocensis.

Universis & singulis quorum interest, aut quomodolibet interesse poterit, significamus. Quia Nos visis & lectis Literis Apostolicis, supra descriptis, Facultatem celebrandi Missam Votivam solennem, in Honorem B. IOANNIS CANTII, Feriis Quintis, per annum, in Ecclesia Universitatis Cracoviensis, alias in Ecclesia Collegiata S. ANNÆ, datam, in se continentibus, easdem uti veras, authenticas, & non suspectas, recognovimus, ipsasq; juxta vim, tenorem, & obloquentiam suam, per Ecclesias coram Populo ad Divina audienda congregato, publicare, Autoritate Nostra Ordinaria permisimus. In quorum fidem præfentes manu propria subscriptas, Sigillò Nostro communiri jussimus. Cracovia Die 17. Mensis Octobris. A. Dni 1742.

MICHAEL WODZICKI Decanus,
& Officialis Generalis Cracoviensis.

(L.S.)

